

القواعد الأربعة

Hundee Afran

Qopheeysaan:
Sheekh Muhammad Binu Abdulwahhab

Hikkaa Afaan Oromoo:
Salahdin Ahmad
2014/1435

HUNDEEWWAN

AFRAN

AL-QAWAA'IDUL

ARBA'A

Qopheeysaan:

Sheekh Muhammad Binu Abdulwahhab

Hikkaa Afaan Oromoo:

Salahdin Ahmad

2014/1435

Baafata

<i>Seensa</i>	1
<i>HUNDEE 1^{ffaa}</i>	3
<i>HUNDEE 2^{ffaa}</i>	5
<i>HUNDEE 3^{ffaa}</i>	8
<i>HUNDEE 4^{ffaa}</i>	12
<i>IBSA HUNDEEWWAN AFRANII</i>	13
<i>Ibsa Hundee Tokkoffaa</i>	18
<i>IBSA HUNDEE 2^{ffaa}</i>	22
<i>IBSA HUNDEE 3^{ffaa}</i>	30
<i>IBSA HUNDEE 4^{FFAA}</i>	36
<i>Dhaamsa Dubbiftootaaf</i>	41

Seensa

بِسْمِ اللَّهِ الرَّحْمَنِ الرَّحِيمِ ﴿٥٦﴾

**Maqaa Allaahaatiin Eegala, Akkaan Uumaaf Rifataa,
Akkaan Mararfataa.**

Rabbii Guddaa, Arjaa Tahe, Rabbii Arshii Guddootiin Kadhada, Akka Duniyaa Fi Aakhirattiis Isin Tiysu, Akka Rahmata Isaa Bakka Isin Jirtan Hundatti Isinii Godhu. Ammallee Akka Taatan Warra Oggaa Waa Arkate Galata Rabbiif Galchu, Kanneen Oggaa Hamtuun Isaan Tuyxe Sabbaru, Fi Kanneen Yoo Dili Dalagan Towbatan. Dhugumatti Wannii Sadeen (Kanneen Du'aa'ii Keysatti Kadhataman) Kun Hundee Gammachuuti.

Rabbiin Isin Haa Qaceelchu: Gara Isaaf Ajajamuutti, Gara Haniifiyaa Karaa Nabi Ibraahimitti, Ikhlasa Isiniif Kennuudhaan Akka Rabbi Qofa Gabbartanii Isa Khophxeysuudhaan Diin Isa Qofaaf Gootaniif Jecha.

Akka Rabbiin Ol Tahe Je'etti

وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ ﴿٥٦﴾

(Ani Hin Uumne Jinnii Fi Ilmaan Namaa, Akka Na Gabbaraniif Malee.)

Suuraa Zaariyaat: 56

Kanaafuu Wannii Rabbiin Si Uumeef Isa Gabbaruuf Tahuu Ega Beyte, Itti Aansuun Ibaadaan Towhiidaan

Malee Ibaadaa Akka Hin Taane Beeki, Akkuma Salaanni Xaharaan Malee Salaata Hin Taanetti. Kanaafuu Yoo Shirkiin Ibaadaa Keysa Seente Ibaadaan Sun Hin Qeebalamtu Akkuma Najisni Xaharaa Oggaa Seene Balleysutti.

Kanaafu Shirkiin Oggaa Ibaadatti Laaqamte, Ibaadaan San Akka Hin Qeebalamne Fi Dalagaan San Hamtuu Tahuu Yoo Beyte. Namticha Ibaadaa Akkanaa Dalagu (Tan Shirkiin Itti Laaqamte) Warra Ibidda Jahannam Keysa Zalaalam Taa’u Akka Tahe Beynaan. Oggaas Mata Duree Waa’ee Shirkii Kana Qo’achuudhaan Baruun Qabxii Murteysaa Akka Taate Hubatta. Sababaa Kana Dubbisuutiin Rabbiin Hillima Shirkii Hamaa Irraa Si Tiysuun Ni Kajeelama.

Shirkii Baanee Rabbiin Ol Tahe Akkana Ja’a:

إِنَّ اللَّهَ لَا يَغْفِرُ أَنْ يُشْرَكَ بِهِ، وَيَغْفِرُ مَا دُونَ ذَلِكَ لِمَنْ يَشَاءُ وَمَنْ يُشْرِكْ بِاللَّهِ فَقَدْ ضَلَّ ضَلًّا بَعِيدًا ﴿١٦﴾

(Rabbiin Hin Araaramu, Waa Isa Cinaa Qabu Ykn Isatti Sharraksiisuu, Garuu Waan Sanirraa Hafe Nama Fedheef Ni Araarama. Namni Allaahatti Qindeeyse Dhugumatti Jallina Fagoo Jallate.) Suuraa Nisaa’a : 116

Shirkii Duraa Bahuun Kan Dandayamu Hundeewwan Afran Itti Aanan Kana Beekuudhaani.

HUNDEE 1^{ffaa}

Kaafiroonni Nabiiyiin Keenya (Sallallaahu Aleyhi Wasallam) Itti Ergame Fi Isaaniin Lolaanii Ture Hundi Rabbiin Akka Khaaliqa Tahe, Akka Raaziqa Tahe Fi Akka Amriin Hundi Harka Isaa Jirtu Ragaa Ni Bahan, Garuu Kana Ragaa Bahuun Islaamummaa Keeysa Isaan Hin Neyne.

Kanaafis Ragaan Jecha Rabbii Ol Taheeti:

قُلْ مَنْ يَرْزُقُكُمْ مِنَ السَّمَاءِ وَالْأَرْضِ أَمَّنْ يَمْلِكُ السَّمْعَ وَالْأَبْصَرَ
وَمَنْ يُخْرِجُ الْحَيَّ مِنَ الْمَيِّتِ وَيُخْرِجُ الْمَيِّتَ مِنَ الْحَيِّ وَمَنْ يُدِيرُ
الْأَمْرَ فَسَيَقُولُونَ اللَّهُ فَقُلْ أَفَلَا تَتَّقُونَ فَذَلِكُمْ اللَّهُ رَبُّكُمْ الْحَقُّ
فَمَاذَا بَعْدَ الْحَقِّ إِلَّا الضَّلَالُ فَأَنَّى تُصْرَفُونَ كَذَلِكَ حَقَّتْ كَلِمَتُ رَبِّكَ
عَلَى الَّذِينَ فَسَقُوا أَنَّهُمْ لَا يُؤْمِنُونَ ﴿٣٣﴾

(Ja'iin (Yaa Muhammad: "Eenyuutu Samii Fii Dachii Keysaa Isin Razaqa? Ykn Eenyuutu Dhagayaa Fi Arkaa Handhurfatee Qaba? Ammallee Eenyuuti Jiraa Du'aa Keysaa Baasee, Duu'aa Jiraa Keysaa Baasa? Eenyuutu Amrii Hunda Garagagalcha?" Isaaniis Ni Ja'an: "Allaah" Atis Ja'iin: "Duuba Rabbi Hin Sodaattanii (Qixaaxa Isaarraa)" Inni Allaaha, Rabbii Keysan Kan Dhugaati. Eega Dhugaa (Kanaatii) Jallina Malee Maaltu Jira, Akkamitti Irraa Garagaltan? Akkasitti

**Jechi Rabbii Keetii Warra Ajaja Rabbii Dide Irratti
Ragga'e, Isaan Hin Amanan.)**

Suuraa Yuunus : 31-33

HUNDEE 2ffaa

Isaan (Mushrikooni) Wannu Ja'an "Nuti Isaan Hin Kadhannu, Isaan Hin Gabbarru Rabbitti Akka Nu Dhiheysanii Fii Nu Shafa'aniifi Malee"

'Rabbitti Nu Dhiheysa' Jechuu Isaaniitiif Ragaan Tokkoffaan Jecha Rabbii Ol Taheeti:

أَلَا لِلَّهِ الدِّينُ الخَالِصُ وَالَّذِينَ اتَّخَذُوا مِنْ دُونِهِ أَوْلِيَاءَ مَا نَعْبُدُهُمْ إِلَّا لِيُقَرِّبُونَا إِلَى اللَّهِ زُلْفَىٰ إِنَّ اللَّهَ يَحْكُمُ بَيْنَهُمْ فِي مَا هُمْ فِيهِ يَخْتَلِفُونَ ۗ إِنَّ اللَّهَ لَا يَهْدِي مَنْ هُوَ كَاذِبٌ كَفَّارٌ ﴿٥٠﴾

(Dhagayaa, Allaaha Qofaafi Amantii Qulqulluun. Isaanowwan Rabbi Achitti Waan Biraa Awliyaa (Jaalallee, Gargaaraa, Tumsaa) Godhatan, (Ni Ja'an) "Nuti Isaan (Waan Rabbii Achitti Gabbaramu Hunda) Waa Isaan Hin Gabbarru, Akka Rabbitti Nu Dhiheysaniif Malee." Dhugumatti, Rabbiin Isaan Jiddutti Murteysuuf Taa'a Waan Isaan Keeyesatti Wal Dhaban. Dhugumatti Rabbiin Nama Kijibaa Haqa Dhoysu (Kaafira) Hin Qajeelchu.)

Suuraa Az-Zumar: 3

Mushrikooni 'Nu Shafa'an' Jechuun Waan Biraa Rabbii Achitti Gabbaruu Isaaniitiif Ragaalammafaan Jecha Rabbii Ol Tahee Kana:

وَيَعْبُدُونَ مِن دُونِ اللَّهِ مَا لَا يَضُرُّهُمْ وَلَا يَنْفَعُهُمْ وَيَقُولُونَ
هَؤُلَاءِ شَفَعَتُنَا عِنْدَ اللَّهِ

(Isaan Ni Gabbaran Allaaha Achitti (Rabbi Cinaan),
Waan Isaan Hin Mine Fii Kan Isaan Hin Fayyadne.
Isaan Ni Ja'an "Wantooni (Rabbii Cinaan Gabbaramu)
Kun Rabbi Biratti Nu Shafa'a".)

Suuraa Yuunus:18

Asirratti Wannii Beekamu Shafa'aa Ilaalchisee

Shafa'aa Gosa Lamaatu Jira:

1. Shafa'al Manfiyyaa (Shafa'aa
Dhorgamtuu Taate)
2. Shafa'al Musbataa (Shafa'aa
Hayyamamtuu Taate)

1. Shafa'al Manfiyyaan (Shafa'aa Dhorgamtuu Taate)
Jechuun Waan Dandeytiin Harka Rabbii Qofa Jirtu,
Waan Rabbii Achi Jirurraa Kajeeluu Ykn Kadhachuu
Jechuudha

Kanaaf Ragaan, Jacha Rabbii Ol Tahee Kana:

يَا أَيُّهَا الَّذِينَ ءَامَنُوا أَنْفِقُوا مِمَّا رَزَقْنَاكُمْ مِّن قَبْلِ أَن يَأْتِيَ يَوْمَ لَا بَيْعَ فِيهِ وَلَا خُلَّةَ وَلَا
شَفْعَةَ وَالْكَافِرُونَ هُمُ الظَّالِمُونَ

(Yaa Wara Rabbitti Amantan! Sadaqaa Kennadhaa,
Waan Nuti Isinii Kenninerraa, Osoo Hin Dhufne
Duratti, Guyyaan Bittaaan Isaa Keeysa Hin Jirre, Kan

Jaalalleenis Hin Jirre, Kan Shafa’an (Magantaan) Hin Jirre. Warri Rabbitti Kafare Warra Zaalimtoota)

Suuraa Baqaraa: 254

2. Shafa’al Musbataa (Shafa’aa Hayyamamtuu Taate)

Jechuun Shafa’aa Rabbiin Itti Kadhatamu. Kan Shafa’aa Dhaabbatu (Magantaa Seenuu) Kabajamaadha Rabbi Biratti Sababaa Shafa’aa (Magantaa) Saniitiif. Kan Shafa’aa Argatus Nama Rabbiin Jechaa Fi Hujii Isaa Irraa Jaalate. Shafa’aan Tun Kan Arkamtu Yoo Rabbiin Hayyama Godhe Qofa. Kanaaf Ragaan Jecha Rabbii Ol Tahee Kana.

مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ

(Eenyu Inni Isa Biratti Magantaa Seenu, Hayyama Isaatiin Malee)

Suuraa Al-Baqaraa:255

HUNDEE 3^{ffaa}

Nabiyyiin (Sallallaahu Aleyhi Wasallam) Kan Ergaman Ummata Waan Adda Addaa Gabbarutti. Isaan Keysaa Warra Malaaykaa Gabbaruutu Jira, Warra Nabiyyoota Fi Saalihoota Gabbaruutu Jira, Warra Mukaa Fi Dhagaa Gabbaruutu Jira, Warra Aduu Fi Ji'a Gabbaruutu Jira. Garuu Rassuulli (Sallallaahu Aleyhi Wasallam) Isaan Hundaahu Bakkuma Takkaa Lafaa Itti Ka'ee Itti Duule Ykn Garaa Garummaa Isaanii Kana Addaan Hin Baafne.

Kanaaf Ragaan Jecha Rabbii Ol Tahee Kana

وَقَتِلُوهُمْ حَتَّى لَا تَكُونَ فِتْنَةً وَيَكُونَ الدِّينُ كُلُّهُ لِلَّهِ

(Isaanitti Qabsaawi (Loliin) Hanga Fitinaan (Shirkiin) Dhabamtuu Ammas Hanga Amantiin Hundi Rabbi Qofaaf Tahuutti.)

Suuraa Al-Anfaal: 39

- Ragaan Ji'aa Fii Aduuu Gabbaruu Isaanii Ibsu Ammoo Jecha Rabbii Kana:

وَمِنْ آيَاتِهِ اللَّيْلُ وَالنَّهَارُ وَالشَّمْسُ وَالْقَمَرُ لَا تَسْجُدُوا لِلشَّمْسِ وَلَا
لِلْقَمَرِ وَاسْجُدُوا لِلَّهِ الَّذِي خَلَقَهُنَّ إِن كُنتُمْ إِيَّاهُ تَعْبُدُونَ ﴿٣٩﴾

(Mallattoo Ykn Aayata Isaa Keysaa Halkanii Fii Guyyaa, Aduu Fii Ji'a, Hin Sujuudinaa Aduu Fii Ji'aafis, Garuu Allahaaf Sujuudaa, Kan Isaan San Uumeef, Yoo Dhugaan Kan Isa Gabbartan Taatan.)

Suuraa Fussilat Aayata: 37

- Ragaan Nabiiyoota Gabbaruu Isaaniitiif Jecha Rabbii Ol Tahee Kana:

وَإِذْ قَالَ اللَّهُ يٰعِيسَى ابْنَ مَرْيَمَ ءَأَنْتَ قُلْتَ لِلنَّاسِ اتَّخِذُونِي وَأُمِّي
إِلَهَيْنِ مِنْ دُونِ اللَّهِ ۗ قَالَ سُبْحٰنَكَ مَا يَكُونُ لِي أَنْ أَقُولَ مَا لَيْسَ لِي
بِحَقِّ ۗ إِنْ كُنْتُ قُلْتُهُ فَقَدْ عَلِمْتَهُ ۗ تَعَلَّمْ مَا فِي نَفْسِي وَلَا أَعْلَمُ مَا فِي
نَفْسِكَ ۗ إِنَّكَ أَنْتَ عٰلَمُ الْغُيُوبِ ﴿١١٦﴾

(Yaadadhu Yeroo Rabbiin Jechuuf Taa’u “Yaa Iisaa Ilma Maryam! Ati Namaan Anaa Fii Haadha Tiyya Gabbaramaa Lama Rabbii Achitti Nu Godhadhaa Jetteenii?” Inniniis Ni Ja’a “Ati Qulqulloyste Yaa Rabbi! Anaaf Hin Taane Waaniin Haqa Ittin Qabne Jechuun” Ati Ni Beyta Waan Lubbuu (Nafsi) Tiyya Keysa Jiru, Ani Ammoo Waan Nafsee Tee Keeysa Jiru Hin Beeku, Dhugumatti Ati Beekaa Waan Dhukateeti.)

Suuraa Maa’idaa:116

- Ragaan Warra Saaalihoota Gabbaruudhaa, Jecha Rabbii Ol Tahee Kana:

أُولَٰئِكَ الَّذِينَ يَدْعُونَ يَبْتَغُونَ إِلَىٰ رَبِّهِمُ الْوَسِيلَةَ أَيُّهُمْ أَقْرَبُ وَيَرْجُونَ
رَحْمَتَهُ وَيَخَافُونَ عَذَابَهُ ۗ

(Ormi Sun Isaanowwan Ummanni Yaammatu Sun, Ifumaafuu Waan Gama Rabbii Isaanii Ittiin Dhihaatan Barbaadan, Kamtu Irra Dhihoodhaa Ammas Isaan Ifiifu Rahmata Rabbii Kajeelan, Qixaaxa Isaati Sodaatan) Suuraa Israa:57

- Dhagaa Fi Muka Gabbaruu Isaaniitiif Ragaan , Jecha Rabbii Oltahaa Kana:

أَفَرَأَيْتُمُ اللَّاتَ وَالْعُزَّىٰ ﴿١٩﴾ وَمَنْوَةَ الثَّالِثَةَ الْآخِرَىٰ ﴿٢٠﴾

(Sa Hin Agarree Laatii Fii Uzzaa, Ammallee Manaati Fi Kan Sadeeysaa Hin Agarree?) Suuraa Najm: 19-20

Ragaan Biroo Hadiisa Abii Waaqiid Al-Leysii (Radiyallaahu Anhu) Akki Je'e:

“Nabiyyii S.A.W Wajjiin Gama Huneeyn Baane, Nuti Dhihoodha Kufrii Irraa Amanuun, Mushrikoonni Muka Qurquraa Takka Qaban Tan Jala Taa'aan, Isiirratti Meeshaa Waraanaa Isaanii Finnifatan, Isiin Je'an: Saahiba Fannoo (Haadha Fannoo), Nutis Muka Qurquraa Takka Biraan Dabarre, Ni Jennee: 'Yaa Rasuula Allaaha! Haadha Fannoo (Muka Fannoo) Nuuf Godhi, Akkuma Isaanuu (Mushrikoonni) Haadha Fannoo Qaban San'. Rasuulli S.A.W "Isa Lubbuun Too Harka Isaa Jirtuun Kakkadha Akkuma Warri Israa'eel Muusaan Je'e Jettan" Jechuun Dubbate. Hadiisni Dheeraadhaa Ragaan Barbaadame Hanga Kana.

**Ummanni Israa'eel Muusaan Wannii Je'e Ummata
Taaboota Gabbaru Agarraan Nuufis Taaboota Akkasii
Nuuf Godhi Je'aniin.**

HUNDEE 4ffaa

Mushrikni Zamana Keenyaa Kuni Warra Duraa Sanirra Shirkitti Irra Jabaadha. Sababniniis Mushrikoonna Dur Ballina Keesatti Shirkii Dalagan, Garuu Gaafa Rakkoon Isaan Mudatte Rabbi Qofa Qulqulleysan, Ammoo Mushrikoonna Ammaa, Haaluma Hunda Keesatti Gaafa Rakkootiis Tahee Gaafa Ballinaatis Rabbitti Sharraksiisani Waan Biraa Yammatan.

Kanaaf Ragaan Jecha Rabbii Ol Tahee Kana:

فَإِذَا رَكِبُوا فِي الْفُلِكِ دَعَوْا اللَّهَ مُخْلِصِينَ لَهُ الدِّينَ فَلَمَّا نَجَّوهُمْ إِلَى الْبَرِّ إِذَا هُمْ يُشْرِكُونَ ﴿٦٥﴾

(Yeroo Doonii Yaabbatan Bahara Gubbaatti Allaaha Qofaaf Diina Qulqulleysan. Garuu Hoggaa Nagayaan Lafaan Isin Gahe, Isaan Hoggusuma Warra Rabbitti Qindeeysu Tahan.)

Suuraa Ankabuut :65

Rabbi Kan Waa Hunda Beeku, Rabbiin Nagayaa Fi Rahmata Ergamaa Isaa Muhammadirratti Haa Buusu.

Hiikkaan Kitaaba Asumarratti Raawata.

IBSA HUNDEEWAN AFRANII

Ibsa Hundeewwan Afraanii Eegaluun Duratti Ibaadaa Jechuun Maal Akka Taate Haa Laallu.

Ibaadaa Jachuun Maal Jechuudha?

Gama Biraatiin Ammallee Namni Tokko Rabbii Achitti Waan Biraa Waan Akka Waliyyootaa Faa Ibaada Yoo Jennu Maal Jechuudha?

Irra Guddaan Nama Ibaadaa Oggaa Ja'an Waanuma Akka Salaataa, Soomanaa, Zikrii Fi Kkf.....Qofa Seha., Namni Tokko Waanuma Fedheehu Yoo Taate, Waan San **Qalbirraa Kan Jaalatu Yoo Tahe**, Ammallee Waan Saniif Kan Of-Gad Qabuu (Akka Na Caala Ja'ee Yaaduudhaan Nama San Biratti Of Xiqqeysuu Faa) ,Fi Miira Tajaajiltummaatiin Kan Itti Dhihaatu Yoo Tahe Waan San Ibaade Ja'ama. Namni Tokko Yoo Waa Jaalate Garuu, Waan Jaalatu Kanaaf Kan Of Gad Hin Qabne Ykn Miira Tajaajiltummaa Guutuu Tahe Kan Hin Qabaannef Yoo Tahe, Ibaada Hin Ja'amu. Fakkeenyaaf Akka Jaalala Abbaan Ilmaaniif Qabuu Faa. Kuni Ibaadaa Hin Ja'amu. Ibaada Ja'amuuf Waan Sadeen Olilitti Tuqaman Kana Of Keysatti Hammachuu Qabdi.

Gama Biraatiin Akkaataa Qur'aanaa Fi Hadiisaati Oggaa Deebinu, Ibaadaa Jechuun Hiikkaa Bal'aa Taahee Fi Waa Heeddu Of Keysaa Qabdi, Isaaniis:

Ibaadaa Qalbiin Dalagamtu (Akka Jalala Rabbii, Sodaa Rabbii, Rabbi Abdachuu Fi Kkf..),

Ibaadaa Arrabaan Dalagamtuu (Akka Zikrii Godhuu, Qur'aana Qara'uu, Karaa Rabbii Irratti Nama Yaamuu Fi Kkf...)

Ibaadaa Qaamaan Dalagamtu (Akka Salaataa, Soomanaa, Sadaqaa, Fi Kkf...) Faadha.

Kanaafu Walumaagalatti Ibaadaa Jechuun Waanuma Rabbi Gammachiisu Kan Inni Akka Dalagnu Ajaje Hunda Of Keysatti Hammatti.

Ammallee Ibaadaan Utubaa Sadi Qabdi:

1ffaa. Jaalala

2ffaa. Sodaa Fi

3ffaa. Kajeellaa Ykn Abdii

Utubaan Sadeen Kun Bu'ura Ibaadaati Ja'ama. Gama Biraa Tiin Humna Dalagaa Dalagutti Nama Kakaaftu Ja'aman. Namni Tokko Rabbii Isaa Wannii Ibaaduuf Jaalala Isaaf Qaburraa Kan Ka'e, Sodaa Qixaaxa Isaatii (Azaaba) Fi Kajeellaa Badhaasa Rabbii (Jannata) Irraa Qaburraahi.

Ibaadaan Takka Waan Sadeen Kana Yoo Guuttachuu Baatte, Guutuu Hin Ja'amtu. Namni Tokko Ani Rabbi Niin Jaaladha Kanaafiin Isa Ibaada Malee Soda Isaatiif Isa Hin Ibaadu Yoo Je'e, Nama Kana Ibaadaan Isaa Sirrii Miti. Ammallee Namni Tokko Ani Rabbii Kiyya Niin Sodaadha, Kanaafiin Isa Ibaada Malee Jaalala Isaatii fii Jannataan Arkadhaaf Isa Hin Ibaadu Yoo Je'e, Namichi Kuniis Akkkuma Namicha Duraa Sanii Ibaadaan Isaa

Sirrii Miti. Akkasumatti Namni Tokko, Ani Jaalala Jannataatiif Jechaan Rabbi Ibaada Malee, Azaaba Hin Sodaadhu Kan Ja'u Yoo Tahe Nama Kanaas Ibaadaan Isaa Sirrii Miti.

Ulamaa'onni Tokko Tokko Waan Sadeen Kana Fakkeenyaan Oggaa Ibsa Ibaadaan Akka Shinbirroo Oggaa Taatu, Lubbuun Isii Jaalala Rabbiiti, Goflaan Lameen Isi Sodaa Rabbiitii fii Abdii Rabbiiti. Shinbirroon Tun Yoo Lubbuu Hin Qabaanne Duutudha, Ibaadaanis Akkasuma, Ammallee Shinbirroon Tun Goflaa Lachuu Yoo Qabaatte Malee Goflaa Tokko Qofaan Barartee Bakka Barbaade Gayuu Hin Dandeyisu.

Ragaan Waan Sadeen Kanaa Jecha Rabbii Keenyaa Kan Itti Aanu Kana

أُولَئِكَ الَّذِينَ يَدْعُونَ يَبْتَغُونَ إِلَىٰ رَبِّهِمُ الْوَسِيلَةَ أَيُّهُمْ أَقْرَبُ وَيَرْجُونَ
رَحْمَتَهُ وَيَخَافُونَ عَذَابَهُ

(Ormi Sun Isaanowwan Ummanni Yaammatu Sun, Ifumaafuu Waan Gama Rabbii Isaanii Ittiin Dhihaatan Barbaadan, Kamtu Irra Dhihoodhaa Ammas Isaan Ifiifu Rahmata Rabbii Kajeelan, Qixaaxa Isaati Sodaatan) Suuraa Israa: 57

Ibaadaan Maal Akka Taatee fi Utubaalee Isii Eega Barre, Itti Aansuudhaan Sharxii Ibaadaati Laalla.

Ibaadaaan Takka Qeebalamuudhaaf **Sharxii Lama** Guuttachuu Qabdi,

Isaanis:

Sharxii 1ffaa. Ibaadaa San Rabbiif Jecha Dalagamuu Qabdi.

Sharxii 2ffaa. Ibaadaan San Sunnaa Nabiyyii Kenyaa Gaxxamuu Qabdi.

Sharxiin Tokkoffaa Wannu Ibsitu , Ibaaduma Daleynu Hundi Rabbi Qofaaf, Utubaalee Ibaadaa Sadeenuu Guuttachuudhaan Niyyaa Fi Ikhlaasa Qulqulluudhaan Tahuu Qabdi.

Kana Jechuun '**Laa ilaaha Illaallah'** Jachuudha. Sharxii Tokkoffaa Tana Osoo Hin Guuttanne Ibaadaan Dalagamtu Hundi Shirkaa Keysatti Ramadamti.

Ibaadaan Hundi Rabbi Qofaaf Tahuu Qabdi Jechuu Kanaaf Ragaan Jecha Rabbii Keenyaa Kana:

(Ja'iin: "Ani !Ajajamee Akkaan Rabbi Gabbaru, Isa Qofaaf Diin Qulqululleysuu Dhaan ")

Ragaan birootis jecha Rabbii kana:

(Iisaan Ni Ja'e: 'Yaa Ummata Israa'il, 'Allaha Qofa Ibaadaa Rabbii Kiyaa Fi Rabbii Keysan Kan Tahe, Namni Rabbitti Waa Qindeyse, Rabbiin Jannata Haraam Isarratti Godhe Jira, Deebi'iin Isaatis Gama Ibiddaati")

Sharxiin Lammaffaa: Wannu Ibsitu, Ibaadaan Dalagamtu Takka Akkaataa Nabiyyiin Keenya s.a.w Dalagaa Je'ee Itti Nu Ajajetti Qofa Dalagamuu qabdi. Kana Jechuun Namni Nuti Fakkeenya Godhachuudhaan Hordofuu Qabnu Nabiyyii keenya (Salallaahu Aleyhi Wasallam) Qofa. Kana Jechuun Waan Nabiyyiin Keenya (Salallaahu Aleyhi Wasallam) Akka Daleynu Itti Nu Ajajan Dalaguu Qabna, Tan Inni Itti Nu Hin Ajajin Dalaguu Hin Qabnu Jechuudha.

Kana Jechuun **“Muhammadun Rassuul Allah”** Jechuudha. Gama Biraatiin Akkana Jechuun; Kan Diddaa Tokko Malee Waan Inni Itti Ajaje Hojjachudhaan Isa Hordofuu Haqa Godhatu, Muhammad (Salallaahu Aleyhi Wasallam) Qofa Akka Tahe Beekanii, Jechaa Fi Gochaanillee Hujii Irra Oolchuudhaan Isa Jala Deemuudha.

Kanaaf Ragaan Jecha Rabbii Ol Taheeti:

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ وَيَغْفِرْ لَكُمْ
ذُنُوبَكُمْ

“Ja’iin (Yaa Muhammad), Yoo Dhugumaan Rabbi Kan Jaallattan Taatan, Najala Deemaa Rabbiim Isin Jaalata ammas cubbuu teeyan Isiniif araarama..”

Ibaadaan Teenya Hundi Sunnaa Rassuula Keenya Gaxxamuu Qabdi, Sharxii Lammaffaa Kana Osoo Hin Guuttattin Ibaadaan Dalagamtu, **Bid’aa** Keysatti Ramadamti.

Fakkeenyaaf Nabiiyiin Keenyaaf Salaanni Subhii Rakaa Lama Tahuun Beekkamaadha. Namti Tokko Lafaa Ka’etuma Salaata Subhii Raka’an Lama Rabbii Keenyatti Ni Xiqqaatte Jechuudhaan Raka’aa Afur Yo Salaate Bid’aa Ja’ama. Yoo Irraa Irrisees Bid’aa Ja’ama.

Namni Tokko Lafumaa Ka’ee Namni Maqaa Rabbii Kana Ogguu Akkana Je’e Waan Akkanaati Arkata Jechuudhaan Waan Rassuulli Keenya Hadiisa Sahiiha Keysatti Hin Dhufin Yoo Itti Dalage Kuniis Bid’aa Ja’ama.

Duraan Dursee Jibbansaa Fi Diinummaan Dilli Kun Maalirraa Kan Dhufe Jettan?

Nabiyyiin Keenya Osoo Umriin Isaa 40 Guuttee Nabiyyummaan Hin Ergamin Dura Hawaasni Arabaa Guututti Nama Hundaa Ol Caalchisani Waa Hundaa Caalaa Isa Jaalachaa Turan. San Qofaa Mitii Nama Hundaa Ol Isa Amanaa Turan. Garuu Gaafa Inni Nabiyyumaan Ergame Gara “Laa’ilaaha Illaallah” Jechuutti Isaan Yaamuu Jalqabe, Jibbansaa Fi Adawwummaa Addaa Isaan Keysatti Waan Uumamteef Jecha, Arraba Adda Addaatiin Isa Arrabsuun, Maqaa Isa Balleysuun Harkaan Itti Gamuu Fi Hanga Ajjesuutti Yaalii Adda Addaa Godhaa Turan. Jibbansi Dilli Kun Qabeenya Irratti Waldiduudhaa fi Waldiddaa Biraa Qabaataniitii Miti. Ammallee Waan Inni Itti Isaan Yaamu, Kijiba Akka Hin Tahinii fii Dhugaa Akka Tahe Shakkaniitii Miti. Ammallee Inni Nabiyyii Dhugaa Tahuu Isaallee Wallaalaniitii Miti. Rabbiin Inni itti Isaan Yaamulleen Akka Jiruu Fi Waa Hunda Akka Inni Uume Ni Beekan, Ammallee Akka Rabbiin Isaan Razaqulle Ni Beekan.

Kanaaf Ragaan Jecha Rabbii Kana.

قُلْ مَنْ يَرْزُقُكُمْ مِنَ السَّمَاءِ وَالْأَرْضِ أَمَّنْ يَمْلِكُ السَّمْعَ وَالْأَبْصَرَ
وَمَنْ يُخْرِجُ الْحَيَّ مِنَ الْمَيِّتِ وَيُخْرِجُ الْمَيِّتَ مِنَ الْحَيِّ وَمَنْ يُدِيرُ
الْأُمُورَ فَسَيَقُولُونَ اللَّهُ فَقُلْ أَفَلَا تَتَّقُونَ ﴿٣١﴾ فَذَلِكُمُ اللَّهُ رَبُّكُمْ الْحَقُّ

فَمَاذَا بَعْدَ الْحَقِّ إِلَّا الضَّلَالُ فَأَنَّى تُصْرَفُونَ ﴿٣٢﴾ كَذَلِكَ حَقَّتْ لِكَلِمَتِ رَبِّكَ عَلَى الَّذِينَ فَسَقُوا أَنَّهُمْ لَا يُؤْمِنُونَ ﴿٣٣﴾

(Ja’iin (Yaa Muhammad): “Eenyuutu Samii Fii Dachii Keysaa Isin Razaqa? Ykn Eenyuutu Dhagayaa Fi Arkaa Handhuurfatee Qaba? Ammallee, Eenyuuti Jiraa Du’aa Keysaa Baasee, Duu’aa Jiraa Keysaa Baasa? Eenyuutu Amrii Hunda Gara Galcha ?” Isaaniis Ni Ja’an : “Allaah.” Atiis Ja’iin: “Duuba Rabbi Hin Sodaattanii (Qixaaxa Isaarraa)”. Inni Allaaha, Rabbii Keysan Kan Dhugaati. Eega Dhugaa (Kanaatii), Jallina Malee Maaltu Jira, Akkamitti Irraa Garagaltan? Akkasitti Jechi Rabbii Keetii Warra Ajaja Rabbii Dide Irratti Ragga’e, Isaan Hin Amanan Jechuun.)

Suuraa Yuunus: 31-33

Eega Akkana Taate Jibbansaa fi Diinummaan Dilli Kun Maalirraa Ke’e Jettan?

Wanni Nabiiyyii Keenyaan Lolaa Turannif Rabbiin Jiraachuu Isaa Amanuu Didaniitii Miti. Isaan Rabbiin Akka Jiru Ni Beekan Kan Isaan Uumees, Kan Isaan Jiraachisuus Kan Waa Hunda Uumee Fi Amrii Waa Hundaa Harkaa Qabu Rabbi Qofa Akka Tahe Ni Beekan Ni Amanan. Ammallee Muhammad (Sallallaahu Aleyhi Wasallam) Nabiiyyii Dhugaa Akka Tahees Ni Bekan.

Gaafa Nabiiyyiin Keenya Akka Isaan Rabbi Qofa Ibaadanii Jiruu Nagayaa Arkataniif Jecha Gara “Laa Ilaaha Illaallah” Jechuuttii Isaan Yaamaa Ture San, Arrabaa, Jibbansaa Fi Dararaan Adda Addaa Kan Isaan

Nabiyyii Keenyaa Fi Hordofoota Isaa Irraan Gayaa Turan garuu dadhabnaan, Tooftaa Biraatiin Itti Dhufan.

Nabiyyii Kenyan (Salallaahu Aleyhiwasallam) Akkana Ja'aniin, "Yoo Ati Angoofi Kabajaa Barbaada Kan Deemtu Tahe (Feete) Mootii Kenya Si Godhachuuf Amma Ahdii Siif Seenna, Yoo Qabeenya Feete, Irra Qabaataa Kenya Si Goona, Ammallee Yoo Ati Baredina Dubartii Kan Feetu Tahe, Irra Bareedduu Dubartii Teenyaa Kan Feete Siif Kennina, Waan Ati Itti Nu Yaamturraa Waanuma Takka Nurraa Dhiisi, Isiiniis: "Laa Ilaaha Illaallah" Jechuudha, Takkittima Tana Nurraa Dhiisi" Ja'aniin.

Inniniis Deebisee Akkana Je'een: "Isinis Waan Takka Narraa Fudhaa, Tan Yoo Isii Narraa Fudhattan Araba Hundaa Ol Tahuudhaan Addunyaa Hunda Ittiin Bulchitan Je'een, Isiin suni "Laa Ilaaha Illaallah" Jechuudha Je'een" Isaaniis Tana Hin Fudhannu Ja'aniin

Gaafa Biraa Adeera Isaa Itti Erganii Gaafuma Tana Dhiheysaniif Inniniis Deebise, "Osoo Aduu Harka Mirgaa Naaf Kaayanii, Ji'a Harka Bitaa Naaf Kaayanii; Akkaan Ani Ergama Kiyya Kana Irraa Deebi'uuf Jecha, Ani Waa Ergama Kiyya Kana Hin Dhiisu." Jechuudhaan Deebiseef

Kanarraa Wannii Hubatamu Araboota Keysaa Warri Gaafa San Rabbitti Kafare, Rabbi Cinaa Waa Qabu San Hundi Wannii Isaan Kalimaa "Laa'ilaaha Illaallah" Jettu Tana Diduudhaan Islaamummaa Didaniif, Kalimaan "Laa'ilaaha Illaallah" Tana Waan Isiin Taate Beekan. Waan Kalimaan Tun Itti Nama Ajajju Fi Irraa Nam

Dhoorkitu Beekan. Kanaafuu Isaan Waan Kalimaan Tun Itti Nama Ajajju Dalaguus Tahee Waan Isiin Irraa Nama Dhoorkitu Irraa Dhoorkamuu Hin Feene.

Akka Nafseen Isaanii Feete Malee Akka Rabbiin Fedhutti Jiraachuu Hin Feene. Laa'ilaaha Illaallaha, Jennaan Kan Ajajamanif, Kan Sodaatamu, Kan Kadhatamu, Kan Olaantummaa Qabu, Kan Of Gad Qabaniif, Kan Wahi Na Godhaaf Sodaatamuu Fi Kan Wahi Naaf Godhaaf Kabajamu Rabbi Qofa Akka Taate Nii Beekan. Kalimaa Tana Fudhannaan Yaada Isaaniitiis, Kaayyoon Isaan Jiraataniifis Wannii Isaan Dalaganilleenilleen Ni Jijjiiramti.

Ogguu Kana Wannii Jiraataniif Fedhii Lubbuu Isaanii Guuttachuuf Osoo Hin Tahin, Ajaja Rabbii Gutuudhaafi jiraatan. Ammallee Kalimaan Tun Ilma Nama Hunda Walqixxeysuudhaan, Olaantummaa Rabbii qofaaf Waan Mirkaneyisuuf Jecha, Isaan Olaantummaa Isaanii Malee Olaantummaa Rabbii Kanas Hin Barbaanne. Warri Rabbitti Kafare, Kan Ibaadaa Hunda Haqa Godhatu ALLAH Qofa Akka Tahe Oggaa Itti Himamu, Ni Boonan.

Akka Rabbiin Aayata Quraanaa Itti Aanu Kana Keysatti Nuuf Ibsetti Mushrikoonna Wannii Rabbitti Sharraksiisaniif Rabbitti Akka Nu Dhiheysanii Fii Nu Shafa'aniifi Jechuu Isaaniiti. Mushrikoonna Kun Akka Ja'anitti Fedhiin Isaanii Guddoon Rabbiitti Dhihaachuudha. Fedhii Isaanii Kana Guuttachuudhaaf Jecha Warra Akka Nabiyyootaati Fi Warra Akka Waliyyootaa Gabbaruudhaan Akka Sababaa Isaaniitin Rabbitti Dhihaataniifi Isaaniin Shafa'aa Barbaadan. Kana Barbaaduu Isaaniitif Ragaan Aayatoota Itti Aanu Kana.

Akka Olitti Ibsametti Shafa'aa Ilaalchisee Shafa'aan Gosa Lama Tahuu Ilaallee Jirra. Isaanis:

- 1. Shafa'al Manfiyyaa (Shafa'aa Dhorgamtuu Taate)**
- 2. Shafa'al Musbataa (Shafa'aa Hayyamamtuu Taate)**

Shafa'aa Isii Dhoorgamtuu Taate Ifa Waan Taateef Asumatti Dhifnee, Shafa'aa Lammafaa Tan Hayyamamtuu Taate Haa Ilaalu.

2. Shafa'al Musbataa (Shafa'aa Hayyamamtuu Taate)

Shafa'aa Rabbiin Itti Kadhatamu. Kan Shafa'aa Dhaabbatu (Magantaa Seenuu) Kabajamaadha Rabbi Biratti Sababaa Shafa'aa (Magantaa) Saniitiif. Kan Shafa'aa Argatus Nama Rabbiin Jechaa Fi Hujii Isaa Irraa

Jaalate Qofa. Shafa'aan Tun Kan Arkamtu Yoo Rabbiin Hayyama Godhe Qofa.

Akkuma Beekkamu Guyyaa Qiyaamaa Nabiyyiin Keenya s.a.w Akka Shafa'aa Namaaf Dhaabbchuun Hayyamanteef Beekkamaadha. Guyyaa Qiyaamaa Oggaa Aduun Mataa Nama Hundaa Gubbatti Gad Dhihaatee, Oggaa Namni Akka Tahu Dhabe, Osoo Diirruma Tanarraa Nu Yaasanii Ibiddatti Nunaqanii Irra Wayya Gaafa Ja'an San; Nabiyyiin Keenya (Aleyhisalaatu Wassalaam) Akka Shafa'aa Ykn Magantaa Dhaabbachuudhaan Akka Rabbiin Aduu San Keysa nama Oofee Hisaabaa Eegaluuf Rabbiif magantaa dhaabbatee, Namuu gama Hisaabaa dabra. Kana Malees Muslima Shirkii Irraa Qulqulluu Tahe, Kan Ajaja Rabbii Isaa Guutuuf Tattaafatu, Garuu Kan Diliin Ibidda Isa Neyxeefillee Shafa'aa Dhaabbachuudhaan Akka Rabbiin Ibidda Keysaa Baasu Ni Kadhataaf, Ni Hayyamamaaf. (Waa'ee Gosa Shafa'aa Ilaalchisee Yoo Rabbi Je'e Gaafa Biraa Mata Duree Of Dandaye Jalatti Ballinaan Laallaa.)

Kanaaf Ragaan Jecha Rabbii Ol Tahee Kana.

مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ

(Eenyu Inni Isa Biratti Magantaa Seenu, Iznii Isaatiin Malee)

Suuraa Al-Baqaraa:255

Warri Rabbi Cinaa Waan Biraa Gabbaru, Inumaa Badiin Isaanii Tun Isaan Hanqachuudhaan, Waan Rabbii

Achitti Gabbaran Saniif Aayatuma Qur'aana Akka Fedhii Isaaniitti Hiikkachuudhaan Akka Ragaatti Dhiheyfachuuf Oggaa Yaalii Godhan Ni Mullatan.

Ammagaa Dubbii Guddoon As Jirti. Maalif Yoo Jettan, Warra Rabbii Dhiise Nabi Muhammadii Fi Walliyyoota Yaammatuutu Ragaa Waan Dalagan Kanaatiif Aayata Kana Dhiheyfata.

Ayanni Tun Wannii Ibsitu Warri Rabbitti Shafa'aa Namaaf Dhaabatu Warra Rabbiin Iznii Godheef Malee Akka Hin Dandeenye Dubbatti. Warri Nabiiyyii Keenya Yaammatuu Wannii Isaan Ja'an, Nabi Muhammad (Sallallaahu Aleyhi Wasallam) Akka Shafa'aa Namaaf Dhaabbatu Waan Hayyamameef Jecha Isa Yoo Kadhanne Shafa'aa Nuuf Dhaabbata Ja'an.

Duraan Dursee Wannii Beekuu Qabnu Nabi Muhammad (Aleyhisalaatu Wassalaam) Warri Inni Shafa'aa Dhaabbatuuf Warra Isa Yaammatee Fi Warra Isa Gabbareef Osoo Hin Tahin, Warra Rabbii Tokkicha Waa Hundarraa Qulqulleysee Ibaadeefi. Ammallee Shirkaa Gosa Hundaa Irraa warra Fagaatee, Rabbi Qofa Yaammachuudhaan, Isa Qofa Gabbaruudhaan Towhiida Isaa Qulqulleysee, Kanneen Jechaa Fi Gochaanillee 'Laa'ilaaha Illaallah' Mirkaneysee Ragaa Baheefi dhaabbata. Kanaafuu Namni Rabbii Achiitti Waan Biraa Kanneen Akka Waliyyootaa Fi Nabiiyyootaa Yaammate, Ykn Kadhate Ykn Gargaarsifate Ykn Sababaa Kana Godhuutiin Rabbittin Dhiheenya Argadha Je'aa Amanu Hundi Nama Rabbitti Sharraksiise Ja'ama.

Kanaafuu Namni Kun Araarama Rabbii Hin Argatu Hanga Towbatee Irraa Deebi'utti.

Nabiyyiin Keenya (Aleyhi Salaati Wassalaam) Karaa Caalaa Kan Shafaa'aa Isaa Guyyaa Qiyaamaa Rabbirraa Ittiin Arkatan Maal Akka Tahe Oggaa Nuuf Himu Akkana Ja'an.

Abaa Hureyraan (Rabbi Irraa Haa Jaalatuu) Akkana Jechuun Nabiyyii Keenya Gaafatan:

"Yaa Rassuulaallah! Eenyu Namni Guyyaa Qiyaamaa Shafa'aa Tee Arkachuuf Hundaa Ol Carraa Qabu?"
Nabiyyiiniis Oggaa Deebisu Akkana Je'een:

"Guyyaa Qiyaamaa Namnii Shafa'aa Tiyya Arkachuuf Carraa Guddoo Qabuu Nama Qalbii Isaatiin Qulqulleysuudhaan 'Laa'ilaaha Illaallah' Je'e."
Jechuudhaan Deebisef.

Hadiisa Kana Bukhaariitu Odeyse.

Guyyaa Qiyaamaa Nabi Muhammad (Aleyhisalaatu Wassalaam) Shafa'aan Akka Hayyamamteef Beekkamaadha. Gama Biraatin Waan Biraa Nabiyyii Keenya Gargaarsifachuu Dhiisii, Shafa'aa Isaaf Hayyamamte Taanaahuu "Yaa Rabbi Warra Shafa'aa Nabi Muhammad (Aleyhi Salaatu Wassalaam) Arkatu Keysaa Na Godhi!" Ja'aniiti Rabbi Kadhatan Malee, Nabi Muhammad Kadhachuun Dhoorkaadha. Yoo Kan Isa Kadhatan Taate, Shirkiidha Taati.

Shirkii Baanee Rabbiin Akkana Ja'a

إِنَّ اللَّهَ لَا يَغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ وَمَنْ يُشْرِكْ بِاللَّهِ فَقَدْ ضَلَّ ضَلَالًا بَعِيدًا ﴿١١٦﴾

(Rabbiin Hin Araaramu, Waa Isa Cinaa Qabu Ykn Isatti Sharraksiisuu, Garuu Waan Sanirraa Hafe Nama Fedheef Ni Araarama. Namni Allaahatti Qindeeyse Dhugumatti Jallina Fagoo Jallate.)

Suuraa Nisaa'a: 116

Kanaafuu Gabaabdumatti Wannii Rabbiin Qur'aana Isaa Keysatti Itti Nu Ajaje Akka Nuti Waliyyootaafi Nabiiyyoota Isa Cinaan Gabbaruu Osoo Hin Tahin, Wannii Itti Nu Ajaje Akka Isa Qofa Yaammannee Isa Qofa Gabbaruufi.

Kanaaf Ragaan jecha Rabbii ol taheeti:

وَأَنَّ الْمَسَاجِدَ لِلَّهِ فَلَا تَدْعُوا مَعَ اللَّهِ أَحَدًا ﴿١٨﴾

"Masjiddan Allaaha qofaafi; Kanaafuu Hin yaammatinaa (Hin kadhatinaa ykn hin gabbarinaa) Allaaha wajjiin tokkollee."

Al-Jinn: 18

قُلْ إِنَّمَا أَدْعُو رَبِّي وَلَا أُشْرِكُ بِهِ أَحَدًا

(Ja'iin: "Ani Rabbii Kiyya Qofaan Yaammadha, Ammallee Ani Rabbitti Waa Tokkollee Hin Qindeysu.")

Gama Biraatin Mushrikoonni Ykn Warri Rabbitti Waa Qindeysu Guyyaa Qiyaamaa Oggaa Ibibda Jahannam Seenan Akka Itti Aanu Kana Jechuudhaan Gaafii Gaafatan, Debisaanis Akka Itti Anu Kanatti Deebitiif.

➤ **Gaafii**

Akkana Jechuudhaan Gaafatan:

قَالُوا رَبَّنَا آمَنَّا أَلْمَنَّا وَأَحْيَيْتَنَا أَلْمَنَّا فَأَعْرَفْنَا بِذُنُوبِنَا فَهَلْ إِلَى

خُرُوجٍ مِّن سَبِيلٍ ﴿١١﴾

((Warri Rabbitti qindeeyse) ni jedhan: “**Yaa Rabbii keenya! Oggu Lama Nu Ajjeeftee, Ammallee Oggu Lama Nu Jiraachiiftee! Nuti Dili Teenya Beeynee (Amannee)! Karaan Ibibda Kana Jalaa Ittiin Baanu nuuf hin Hafnee?**”) Suuraa Ghaafir: 11

Gaffii Isaani Tana Keysatti “Karaan Ibibda Kana Jalaa Ittiin Baanu Waan Hafnee?” Jechuudhaan Oggaa Gaafatan, Wannu Jechuu Fedhan; Yoo Waan Akkanaa Gootan Ibibda Kana Keysaa Ni Baatan Wannu Je’u Yoo Kan Jiraatu Taate, Nuuf Himi Ni Dalayna akka as keeysaa baanuuf Jechuu Isaaniiti.

Deebisaa Isaaniif Deebitu ammoo

Eega Gaafii Gaafatani Amata Kuma Tokko Booda Deebisaan Akkana Jettu Isaaniif Deebiti

ذَٰلِكُمْ بِأَنَّهُ إِذَا دُعِيَ اللَّهُ وَحْدَهُ كَفَرْتُمْ وَإِنْ يُشْرَكَ بِهِ تَوَمَّنُوا
فَأَلْحِكُمْ لِلَّهِ الْعَلِيِّ الْكَبِيرِ ﴿١٢﴾

((Isaaniin Ni Ja’ama): “Ibidda Kana Wannu Seentaniif, Rabbi Qofa Kan Yaammataamu (Oggaa Isiniin Ja’ame), Ni Kafartan (Ni Dhoysitan, Ykn Ni Diddan); Garuu Oggaa Rabbii Wajjiin Waan Biraa Isiniif Qindeysan Ni Amantan”) Suuraa Ghaafir: 12

Kanaaf jecha Wannu Isin Ibidda Seentaniif Isaaniin Ja’ama.

Boodarra Oggaa Isaan Gaafii Biraa Gaafatanii Deebisaanis Deebiteef Booda, Deebisaa Hamtuun Isaaniif Kennamtu Ibidda Keysa Fagaadhaa Jechuu Malee Furmaata Tokkollee Hin Arkatan.

Kanaaf Ragaan Aayata Qura’aanaa Kana:

قَالَ أَحْسُوا فِيهَا وَلَا تُكَلِّمُونَ ﴿١٢٨﴾

(Rabbiin Isaanin Ni Ja’a Fagaadhaa Ibidda Keysa, Wiliin (Amma Booda) hin dubbifamtan”) Suuraa Mu’uminuunaa: 108

**Rabbiin Oltahe Isaaniin Jechuuf Jiraata, Kana Booda
Ibidda Keysa Zalaalam Jiraatan, Gaafiiillee Gaafachuu
Hin Dandayan.**

Yaa Rabbi Ibidda Jahannam Duraa Najaa Nu Baasi!
Jechaa Ibsa Hundee Lammaffaa Kana Goolabuudhaaf,
Arabnii Gaafa Jaahiliyyaa, Kanneen Akka Abu Jahal
Faan Wannii Rabbii Achitti Sanama (taaboota)
Gabbaraniif Rabbitti Dhihaachuu Fi Ykn Magantaa
Rabbi Bira Nuuf Dhaabata Jechhufi.

Namoonni Amma Nuti Muslima Ofiin Ja'an Kanneen
Waliyyootaafi Nabiiyyoota Yaammaataniis Waanni Isaan
Kana Godhaniif Rabbumatti Dhihaachuu Barbaadaniiti.
Kanaafuu Isaan Lamaanuu Tokkuma Garaa Garummaa
Hin Qaban.

Dubbiin Isaanii Tun Akka Nama Waliyyootaa Fi
Anbiyyootaa Wajjiin Walii Galee, Nuti Isin Gabbarraa Isin
Rabbi Nurraa Dhoorkaa Ja'eeti Fakkaati. Garuu Haa
Jannu Malee Waliyyootaa Fi Nabiiyyoonni Hundinuu
Kanarraa Qulqulluudha.

Nabiyyiin (Sallallaahu Aleyhi Wasallam) Kan Ergaman Ummata Waan Adda Addaa Gabbarutti. Isaan Keysaa Warra Malaaykaa Gabbaruutu Jira, Warra Nabiyyoota Fi Saalihoota Gabbaruutu Jira, Warra Mukaa Fi Dhagaa Gabbaruutu Jira, Warra Aduu Fi Ji'a Gabbaruutu Jira.

Wanni Beekkamuu Qabu Warri Amantii Kiristaanaa Hordofu Akki Ja'u Nabi Iisaa Fi Haadha Isaa Maryam Baanani (አማላጅ) Jedhaniin Hiikkaan Isaatiis 'Warra Nama Shafa'u' Jechuu Isaaniiti. Warri Ortodoksii Nabii Iisaa Fi Haadha Baanani Shafa'aa Isaaniitiin Malee Najaa Bahuun Hin Jirtu Jechuu Isaaniiti. Warri Protestaantii Wanni Ja'sn "Iyyasuus Nu Shafa'uuf Jecha Dillii Teenyaaf Je'ee Fannifame" Ja'an. Inumaa Ogguu Fedhan Inni Rabbi Ja'aan, Ogguu Fedhan Ilma Rabbiiti Ja'an.

Ani Gaafa Tokko Nama Amantii Protestaantii Hordofu Tokko Akkana Je'eetiin Gaafii Laaftuu Takka Gaafadhe. Rabbiin Ati Rabbi Jettee Itti Amantu Kami? Je'eetin Gaafadh. Inniniis Deebisee 'Iyyassuusi' Naan Je'e. Itti Aansuudhaan Gaafii Akka Nuti Muslimoonni Akka Isaan Gaafannuuf Jecha Quraanaa Keysatti Rabbiin Itti Nu Akeeke Takkaan Isa Gaafadhe. Gaafiiniis Akkana Jatti "Dachii Fi Samii Kan Uume Hoo Eenyu?" Je'eetiin Gaafadhe. Ogguu Kana Deebisaa Dura Naaf Deebise Osoo Hin Tahin Wanni Inni Naaf Deebise "Kan Samii Fi Dachii Uume Rabbii" Jechuudhaan Naaf Deebise.

Anis Deebiseetin Akkana Je'een "Rabbiin Dachii Fi Samii Uume Kan Ati Baantu Kun Iyyassuusi Moo Kan Biraatu

Jiraa? Jechuuniin Gaafadhe. Inniniis Akkana Jechuun Naaf Deebise. “Lakkii Rabbiin Dachii Fi Samii Uume Isa Guddaa Samii Keysa Jiru” Jechuudhaan Naaf Deebise. Ogguu Kanaan “Duuba Maaliif Oggaa Duraa Rabbiin Ati Itti Amantu Eenyu Je’ee Oggaan Si Gaafadhu, Iyyasuusi Jettee Naaf Deebifta?” Je’ee Gaafadhe. Ogguu Kana Ati Waan Siif Hin Galiniitu Jira Jechuudhaan Waa Heedduu Natti Odeysa.

Kanarraa Wanniin Isiniif Ibsuu Barbaade Mushrikoonni Gosa Hundaa Wannii Rabbii Cinaan Waan Biraa Gabbaraniif, Rabbii Guddaa (ALLAAH) Wallaalanii Akka Hin Tahin Isinitti Mullisumaafi.

Warri Muslima Ofiin Jechaa Rabbii Cinaan Waan Biraa Gabbarus Wannii Isaan Akkas Godhaniif Kan Kiristaanni Rabbii Cinaan Nabi Iissaa Fi Haadha Isaa Gabbaranii Wajjiin Wal Fakkaatti.

Warra Rabbii Cinaan Nabiyyoota Gabbaru Iaalchisee.

Nabiyoonni Isaan Gabbaran San, Nugabbaraa Waan Ja’aniifii Miti.

Ragaan Nabiyyoota Gabbaruu Isaaniitiif Jecha Rabbiiti:

وَإِذْ قَالَ اللَّهُ يَعْيسَى ابْنَ مَرْيَمَ ءَأَنْتَ لِلنَّاسِ أُتْخَذُونِ وَأُمِّي
إِلَهَيْنِ مِنْ دُونِ اللَّهِ قَالَ سُبْحَانَكَ مَا يَكُونُ لِي أَنْ أَقُولَ مَا لَيْسَ لِي
بِحَقِّ إِنْ كُنْتُ فُلْتُهُ، فَقَدْ عَلِمْتَهُ تَعَلَّمَ مَا فِي نَفْسِي وَلَا أَعْلَمُ مَا فِي
نَفْسِكَ إِنَّكَ أَنْتَ عَلَّمُ الْغُيُوبِ ﴿١٧١﴾

(Yaadadhu Yeroo Rabbiin Jechuuf Taa’u “Yaa Iisaa Iima Maryam! Ati Namaan Anaa Fii Haadha Tiyya Gabbaramaa Lama Rabbii Achitti Nu Godhadhaa Jetteenii?” Inniniis Ni Ja’a “Ati Qulqulloyte Yaa Rabbi! Anaaf Hin Taane Waanin Haqa Itti hin Qabne Jechuun” Ati Ni Beyta Waan Lubbuu (Nafsii) Tiyya Keysa Jiru, Ani Ammoo Waan Nafsee Tee Keeya Jiru Hin Beeku, Dhugumatti Ati Beekaa Waan Dhukateeti.) Suuraa Maa’idaa:116

Abbaan Kitaaba Kana Maxxanse Sheek Muhammad Binu Abdulwahab, Hundee Sadaffaa Jala Akka Kaayetti Mushrikooni Rabbi Cinaan Waa Hedduu Akka Rabbiitti Gabbaruu Isaaniiti. Wantoota Mushrikooni Akka Rabbiitti Gabbaran Keysaa Akka Inni Ibsetti: Dhagaa, Muka, Malaaykota, Nabiiyoota, Saalihootaa Fi Kanneen Kan Fakkaatani. Walumaa Galattu Wantoonni Rabbii Achitti Gabbaraman Kun Hundinuu Waa Takka Namaaf Hin Godhan Waa Takka Naman Godhan.

Nabi Muhammad Tahee, Jibriilis Tahe Wannummaan Samii Fi Dachii Keysa Jiraa Hundinuu Akkuma Keenya Gabroottan Rabbiiti.

Kanaaf Ragaan jecha Rabbiiti:

إِنَّ كُلَّ مَنْ فِي السَّمَوَاتِ وَالْأَرْضِ إِلَّا آتَى الرَّحْمَنِ عَبْدًا ﴿٩٣﴾

(Wannii Samii Fi Dachii Keysaa Jiraa Hindi Gabroottan Rahman Tahanii Malee Hin Dhufan.)

Suuraa Maryam: 93

Kanaafuu Wannii Gabbaramuu Qabu, Rabbii Waa Hunda Uume Malee, Waan Uumame Miti.

Sheek Muhammad Binu Abdulwahab Kitaaba Kana Dhuma Hundee ^{3^{faa}} Irra Hadiisa Itti Aanu Kana Kaaye. Hadiisa Kanarraahiis Ergaa Baratamtuutu Jira, Mee Waliin Haalaallu.

Abii Waaqiid Al-Leysii (Radiyallaahu Anhu) Akki Je'e:

“Nabiyyii S.A.W Wajjiin Gama Huneeyn Baane, Nuti Dhihoodha Kufrii Irraa Amanuun keenya, Mushrikooni Muka Qurquraa Takka Qaban Kan Jala Taa'aan, Isiirratti Meeshaa Waraanaa Isaanii Finnifatan, Isiin Je'an: Saahiba Fannoo (Haadha Fannoo), Nutis Muka Qurquraa Takka Biraan Dabarre, Ni Jennee: 'Yaa Rasuula Allaaha! Haadha Fannoo (Muka Fannoo) Nuuf Godhi, Akkuma Isaanuu (Mushrikooni) Haadha Fannoo Qaban San'. Rasuulli S.A.W 'Isa Lubbuun Too Harka Isaa Jirtuun Kakkadha Akkuma Warri Israa'eel Muusaan Je'e Jettan" Jechuun Dubbate.

Hadiisni Dheeraadhaa Ragaan Barbaadame Hanga Kana.

Hadiisa Kanarraa Wannii Namaaf Galu Shirkiin Garii Kan Muslimoota Keysa Facaate Jirtu Ka'uumsi Isaanii Warraa Amantii Islaama Hin Tahin Kanneen Akka Yahuudaa Fi Kiristaanarraa Tahuu Isiiti. Hadiisa Kana Keysatti Akka Mushrikootaatti Muka "Zaatal Anwax" Jedhamu Haadha Fannoo Akka Warra Mushrikootaatti

Nuufis Nuuf Godhi Ja’anii Gaafan. Rasuullinis Waan Bira Jiruuf Jecha Irraa Dhoorkuun akka warra Baniis Israa’eel jettan je’een.

Akkuma Kana Eega Nabiyiin Du’anii Amata Hedduu Turan Booda, Falsafaa, Shirkii Fi Bid’aan Adda Addaa Tan Duraan Yahuudaafi Nasaaraa Keysatti Beekkamtu Muslimoota Keysa Seenuun Jalqabde.

Akkuma Ummanni Israa’eel Ummata Taaboota Gabbaru Agarraan, Muusaan Nuufis Taaboota Akkasii Nuuf Godhi Je’aniin Sanitti Nabi Muhammadiinis (Aleyhi Salaatu Wassalaam), Nuufis Muka Fannoo Nuuf Godhi Ja’aniin.

Akkasuma Eega Nabi Muhammad (Aleyhi Salaatu Wassalaam) Du’anii Waggaa Dheeraa Turan Booda, Akkuma Nasaaraan Dhaloota Nabi Iisaa Kabajjuutti Nutiis Dhaloota Nabiyyii Keenyaa Kabajana Jechuun Mowlida Ja’anii Dibbee Tumuu Fii Shubbisuudhaan Bid’aa Fi Shirkiii Adda Addaa Islaamummaa Keysa Naqachuudhaan Diin Islaamaa Lafatti Dhiisanii Shirkumaa fi Bid’aa Dalagutti Seenan.

Yoom Kana Qofa Waa Hedduu Kan Yahuudaa Fi Nasaaraa Irraa Laallachuudhaan Islaamummaa Keysa Naqaniitu Jira. Yoo Rabbi Je’e Mata Duree Haaraya Jalatti Ballinaan Laala.

Sababaa Kanarraa Kan Ka’e Ummata Muslimaa Jiddutti Garaa Garummaa Fi Fitinaan Adda Addaa Uumamuu Jalqabde. Kana Booda Firqaaleen Adda Addaa Maqaa Adda Addaa Baafachuudhaan, Qur’aanaa Fi Sunnaa

Rassula Keenyaa s.a.w Tan Hadiisa Sahiihaan
Deeggaramte Lafatti Dhiisuudhaan, Falsafaa Fi Bid'aa
Adda Addaa Jala Deemu Jalqabde.

Ummanni Muslimaa Humna Dhabuudhaan Adawwiin
Akka Feetetti Itti Tabachuunis Kanumarraa Dhufte. Mee
Asummatti haa Dhaabne Gara Kutaa Itti Aanutti
Dabarruu.

Duraan Dersee Mee Seenaa Ajaa'ibaa Tan Zamana Keenya Kana Keysa Argamte Tana Dubisaa.

Seenaa Zamana Keenya Argamte Takka Keysatti Faranjichi Amantiin Isaa 'Athiest' Taate Tokko Ykn Warra Rabbiin Hin Jiru Je'ee Amanuu Keysaa Tahe Tokko Markaba Yaabbatee Osoo Bishaan Bahar Irra Deemaa Jiruu, Qilleensi Guddaan Tokko Dhufee Markaba Kana Gara Galchuudhaaf Gamaagamana O'oofuu Eegale. Qilleensi Kun Jabaatee Markaba Kana Ol Fuudhee Samii Keysa Ol Kaasuudhaan Cinaacha Tokkoon Gara Galchuu Bira Gahe. Garuu Wannii Nama Ajaa'ibsiisu Ogguu Dubbiin Jabaatee Namoonni Markaba Kana Keysa Jiru Hundi Du'uuf Deemna Ja'anii Qalbiin Isaan Cabuudhaan Rifatan. Faranjichi Rabbiin Hin Jiru Je'ee Amanu San Osuma Itti hin Yaadin "O! God, Save Us!" Je'e Hiikkaan Isaatii "Yaa Rabbi Nu Baasi!" Jechuu Dha. Ammallee Itti Deddeebisee Jechuu Itti Fufe. Xiqqo Booda Qilleensi Kun Irraa Dhaabbatee Markabni Kun Nagayaan Deemuu Jalqabe. Eegas Nagayaan Gara Biyyaa Itti Deemaa Jiraniitti Galan. Faranjichi Eega Mana Isaatti Galee Hafura Baafate Booda Yaanni Akkana Ja'u Tokko Qalbii Isaa Keysa Dhufe. "Ani Duraan Rabbiin Hin Jiruu Jechuudhaan Amanaa Turee, Maaliifin Yaa Rabbi Nu Baasi Je'ee Kadhadhe?," Ammallee "Rabbii Kamiin Kadhadhe?" Gaafiin Jettu Sammuu Isaa Keysa Dhufte. Garuu Deebisaa Waan Hin Arkatiniif Jecha, "Afaanuma Kiyyaatu Tasa Akkas Je'e Malee, Wannii Rabbi Ja'an Hin Jiru" Jechuudhaan Yaada Kana Asumatti Firraa Goolabuudhaan Bira Kute.

Faranjichi Kun Yeroo Dheertuu Booda Biyya Misraa Daawwiidhaaf Dhage.

Biyya Misraa Keysa Osuma Oliifi Gad Deemu, Namoota Taa'ee Qur'aana Afaan Ingiliffaatti Hiikkame Waliif Dubbisutti Jiru Tokko Hafuura Baafachuuf Jecha Ummata Kana Cinaa Xiqqoo Irraa Achi Siqee Gad Taa'e. Namoota Qur'aana Waliif Qara'u Kana Keysaa Tokko Qur'aana Afaan Arabaatiin Ogguu Qara'u, Kan Biraa Afaan Ingiliffaatti Kan Hiikkame Irraa Dubbisa. Suuraan Qur'aana Tan Isaan Akkanatti Qara'an Tun Suuraa 'Luqmaani. Namtichinis Qur'aana Irraa Dubbifamu Kun Itti Tollaana, Taa'ee Dhageyfachutti Seene. Osuma Ja'anii Suuraa Luqmaan Tanarraa Aayata Itti Aanu Kanarra Gayan.

أَلَمْ تَرَ أَنَّ الْفُلْكَ تَجْرِي فِي الْبَحْرِ بِنِعْمَتِ اللَّهِ لِيُرِيَكُمْ مِنْ آيَاتِهِ ۚ
إِنَّ فِي ذَلِكَ لَآيَاتٍ لِكُلِّ صَبَّارٍ شَكُورٍ ﴿٣١﴾ وَإِذَا غَشِيَهُمْ مَوْجٌ كَالظَّلِيلِ
دَعَوْا اللَّهَ مُخْلِصِينَ لَهُ الدِّينَ فَلَمَّا نَجَّاهُمْ إِلَى الْبَرِّ فَمِنْهُمْ مُّقْتَصِدٌ وَمَا
يَجْحَدُ بِآيَاتِنَا إِلَّا كُلُّ خَتَّارٍ كَفُورٍ ﴿٣٢﴾

(Sa Hin Agarre Markabni Bahar Irra Kan Isiniin Loohu, Tola Rabbiin (Isiniirratti Oole) Irraahi, Aayata (Mallattoo) Isaa Isin Agarsiisuudhaafi; Kana Keysa Mallattootu Jira Warra Obsa Qabuu Kanneen Galata (Rabbii) Galchaniif. Ammaas Oggaa Damballiin Bishaanii Akka Gaaddisaatti Isaan Uwwifte (Oggaa Isaan Fixuuf Kaate), Rabbi Ni Yaammatan, Haala Isa

Qofa Qulqulleeysoo Tahaniin; Garuu Oggaa Nagayaan Lafatti Isaan Buufne, Isaan Keysaa Warra Jiddumatti Dhaabbatuu (Garagaluutu) Jira. Mallattoo Teenya Kan Nu Mormu Hin Jiru, Hunda Warraa Ahdii Diigu Kan Galata Hin Beeyne Yoo Taate Malee.)

Suuraa Luqmaan:31-32

Faranjichi Kun Oggaa Aayata Kana Dhagahee Ummanni Kun Waa’ee Kiyya Haasawu Jiran Jechuu Yaaduudhaan, akka tasaa Warra Gaafa Markabnii Nuun Garagaluuf Ka’e San Naa Wajjiin Jiru Ta’uu Malan yaada jedhuun Lafaa Ka’ee Ummata Kana Bira Dhaquudhaan, Wannii Isin Amma Waliif Dubbistan San Maali? Jechuun Isaan Gaafate.

Isaaniis “Kuni Qur’aana” Jechuudhaan Deebisaniif. Faranjichinis “Wanni Isin Reefu Dubiftan San Waa’ee Kiyya Dubbata!” Je’een. Isaaniis Akkamitti Ja’anii Ogguu Kana Seenaa Isaa Tan Bahar Irratti Markabni Garagaluu Gahee San Akka Jirutti Isaaniif eega Hime Booda, Kanaaf Jecha Nama Gaafa San Oggaan Ani Yaa Rabbi Nu Baasi Je’ee Lallabu San Nabira Jiruutu Waa’ee Kiyya Barreyse Seheetiin Lafaa Ka’ee Isin Gaafadhe Je’een.

Isaanis Kuni Qur’aanni Jecha Rabbi Akka Tahee Nabi Muhammad s.a.w Irratti Kan Bu’e Tahuu Itti Himan.

Ogguu Kan Faranjichi Kun “Nabi Muhammad tarii Bahara Irra Osoo Deemuu Akkuma Kiyatti Wannii Na Qunname Isa Qunnamee Barreyfama Kana Barreysuu Hin Dhabu” Je’ een. Isaanis Nabi Muhammad Bahara Irra Deemee Akka Hin Beeyne Itti Himan. Faranjichi Kun Qur’aana Kana Naaf Kenna Jechuudhaan Irraa Fudhatee Ummata Kana Biraa Eega Deeme Booda. Galmee Seenaa Qorachuudhaan Nabi Muhammad Bahara Irra Deemee Akka Hin Beeyne Mirkaneeyfate. Ogguu Kana Qur’anaa Dubbisiifi Waa’ee Islaamummaa Barruu Itti Fufe. Wannii Inni Dubbisu Hundi Waanuma Dhugaa Kan Qalbi Nama Seentu, Ammallee Waanuma Ajaa’iba Itti Taate. Islaamummaan Qalbi Isaa Waan Boojiteef Jecha Dhumarratti Qur’aana Kana Rabbii akka ilma Namaa itti Uume Beekuutu Barreyse Jechuudhaan, Islaamummaa Eega Fudhate Booda Seenaa Akka Itti Islaamawee Kana Hunda Ifiif Hime.

Seenaa Tana Wanniin Barreyseef Barnoota, Kitaaba Kanaa Hundee ^{4ffaa} Jalatti, Sheek Muhammad Binu Abdulwahabiin Kayyamee Wajjiin Waan Wal Fakkaatuufi.

Kutaa Kana Jala Sheek Muhammad Binu Abdulwahab Wannii Kaaye.

Mushrikni Zamana Keenyaa Kuni Warra Duraa Sanirra Shirakitti Irra Jabaadha. Sababniniis Mushrikooni Dur Ballina Keesatti Shirakii Dalagan, Garuu Gaafa Rakkoon Isaan Mudatte Rabbi Qofa Qulqulleysan, Ammoo Mushrikooni Ammaa, Haaluma Hunda Keesatti Gaafa Rakkootis Tahee Gaafa Ballinaatis Rabbitti

Sharraksiisanii Jechuudhaan Aayata Qur'aanaa Kana Itti Aansuudhaan akka ragaatti fidate:

فَإِذَا رَكِبُوا فِي آلِ فُلْكَ دَعَوْا اللَّهَ مُخْلِصِينَ لَهُ الَّذِينَ قَلَّمَا نَجَلْهُمْ إِلَى الْبَرِّ إِذَا هُمْ يُشْرِكُونَ

(Yeroo Doonii Yaabbatan Bahara Gubbaatti Allaaha Qofaaf Diina Qulqulleeyisan. Garuu Hoggaa Nagayaan Lafaan Isin Gahe, Isaan Hoggusuma Warra Rabbitti Qindeeysu Tahan.)

Suura Ankabuut :65

Akkuma Aayata Qur'aanaa Kanarratti Agartanitti Oggaa Dhugaan Dhufte Waanuma Qalbii Keysa Jiruutu Baha. Ummanni Rabbiti Kafares Durumaanuu Rabbii Guddaa Nu'uume Kana Osuma Qalbiin Isaanii Beeytuuti Haqa Dhoosuudhaan Hanga Rabbi Irraanfachuu Fi Rabbummaanuu Hin Jiru Jechuu Gayan.

Jechi Kufrii Ja'uus Kan Dhufe Jecha 'Kafara' Je'urraahi. Kafara Jechuun Uwwisuu Ykn Hagooguu Jechuudha. Fakkeenyaaf Oggaa Midhaan Facaasan, Biyye Irratti Deebisan. Oggaa Biyyee Irratti Deebisan Booda Midhaan Faca'e Kun Waan Biyyeen Hagoogamuuf Jecha Ni Dhokota. Afaan Arabaatiin Kuni 'Kafara' Ja'ama. Kufrii Jechi Ja'uus Kanarraa Dhufe.

Akkasuma Warri Kafare Hundinuu Akkuma Midhaan Oggaa Facaafamu Biyyeen Hagoogamee Dhokatutti, Qalbii Isaanii Keysatti Haqa Waan Dhoosaniif Jecha Kaafira Ja'aman.

Xumuramee

Dhaamsa Dubbiftootaaf

Kitaaba Kana Afaan Oromootti Hiikuu Keysatti, Kitaaba Kana Keysaa Wannii Haqa Gaxxame Hundi Rabbirraahi, Garuu Doggogoraa Fi Wannii Haqa Hin Gaxxamin Hundi Nafsee Tiyyaa Fi Sheyxaanarraahi.

Dubbiftoota Kabajamoo Kitaaba Kana Oggaa Dubbiftan Yaadas Tahee, Waan Sirraawuu Qaba Jettanis Yoo Jiraate Ammallee Waan Dogongoraa Yoo Agartan teeysoo Gaditti Ibsamaniin Fayyadamuudhaan Qooda Gama Keysannii Akka Bahattan Afeeramtanii Jirtan.

Facebook:

<https://www.facebook.com/salah.ahmed.946517>

Rabbi Kan Waa Hunda Beeku, Rabbiin Nagayaa Fi Rahmata Ergamaa Isaa Muhammadiratti Haa Buusu.